



## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Præfatio, in qua fructus meditationis vitæ passionis, glorificationisque  
Domini nostri Iesu Christi vberes declarantur.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Ad Dominum Iesum pro eadem re, Precatio.

**M**isericordissime Domine Iesu Christe, me totum meaq; omnia tibi commendo & offero, obsecrans te per passionem ac mortem tuam, qua me redemisti, vt mea mihi peccata dimittas, me ab omni peccato custodias, serues in castitate, atq; in omni virtute, perducasq; in statum tibi acceptissimum & mihi saluberrimum, quo seruiam tibi semper atq; fideliter iuxta beneplacitum tuum, ad gloriam tuam sempiternam, Amen.

Ad beatam virginem Mariam, Precatio.

**O**Pulcherrima misericordissimaeq; Dei Mater & virgo Maria, post Deum spes mea vnica, oro te per misericordissimum cor tuum, vt me in filium tuum suscipias, mei curam habeas, ab omni peccato me protegas ac liberes: Virginitatis quoque ac castitatis, omniumq; virtutum obseruantiam, in quibus tu filio tuo Domino nostro Iesu Christo summè placuisti, mihi impetres; custodias, dirigasq; me ad statum filio tuo ac tibi gratissimum, & mihi saluberrimum, Amen.

F I N I S.

**D. IOAN. IVSTI LANSPERGII**  
**Carthusiani, in Librum Meditationum**

Præfatio, in qua fructus meditationis vitæ passionis, glorificationisq; Domini nostri Iesu Christi vberes declarantur.



**C**hristus Dominus, captus est in peccatis nostris, cui diximus:  
 In umbra tua viuemus in gentibus. *Threnorum IV.*

Iner exercitia, quæ spiritui adminiculantur (ei præsertim, qui vitam inchoat spiritualem) ad amorem Dei assequendum, nihil creditur esse vtilius, ac fecundius, quam Domini nostri Iesu Christi vitam ac passionem assiduam meditatione frequentare. Huc namq; conferri possunt alia quæuis exercitiorum spiritualium, seu meditationum studia. Nam verbi gratia, si peccata, vitia, ingrati tudinem atq; vilitatem tuam lugere desideras. Si negligentias atq; defectus cupis expiare emundareq; non inuenies unde vehementius ad hoc ipsum extimuleris, quam innocentissimam redemptoris tui vitam atq; passionem meditando, videlicet, quam pro te inculpatis simam sanctissimamq; vitam transegerit, quam amara pro te passus sit (qui tua peccata castigare damnareq; debuerat vt tibi parceret. Videbis simul eius iustitiam & misericordiam: in te quidem misericordiam, vt delicta donaret: in ipsa vero peccata iustitiam ac seueritatem, qua ne inulta sineret, in seipso castigauit. Plangenda igitur hic comperies delicta tua, propter quæ vulneratus & mortuus est Dei filius, vt te sanaret. Plangenda ingrati tudo tua, qui fidelissimo amatori tuo pro tot bonis, pro tantaq; dilectione, tot mala tantumq; contempitum rependis.

Hæc consideratio spem simul incutit atq; timorem, unde duabus tentationibus iuxta mederi queas. Si enim delictorum enormitas ad desperationem te impellere nititur, habes unde peccata tua deleas, habes unde satisfacias, habes unde te redimas, nec pro peccatis tuis formides. Sin verò tepor & acedia te grauat, si leuitas cordis absq; timore te prosternit habes unde etiam salubriter terrearis, considerando quod aliquot annorum millibus vel sanctissimis Dei amicis clausum fuerit calum, negata, aut potius dilata gloria, donec aliena peccata, pui à primorum parentum solueret, qui peccatum non fecit.

Porrò, si ad tui cognitionem atq; humiliationem te cupis exercere, maximam hic occasionem inuenis pensando deformitatem & dissimilitudinem tuorum studiorum, atq; totius vitæ tuæ erga vitam & innocentiam Christi, hoc est, quàm contrarius es eius voluntati, quàm dissimilis virtutibus eius, quàm infirmus instabilisq; ad imitandum, quàm nihil deniq; (quod experiris quotidie) vales ad quodcumq; bonum.

Sed forte affe, ad amorem concipiendum erga Deum cupis inflammari. Et ad hoc unde adminiculum quaeras potius, quàm ex meditatione passionis tui redemptoris? Si enim natura nihil adeo est consentaneum, quàm amantem redamare, & Dei amor erga nos nusquam manifestior nobis factus est, quàm in redemptione nostri, hoc est, in redemptoris nostri passione; perspicuum est, ex Dominice passionis consideratione ad Dei amorem potissime nos accendi. Proinde si cor tuum ad amandum Deum desideras excitulari, meditare eius beneficia, quæ sunt indicia amoris erga te, & quæ euidentissime eriscent in Christi passione.

Quod si per viam abnegationis Christiformem agere vitam cupis, haudquaquam melius exemplar ac speculum piè viuendi poteris inuenire, quàm in libro vitæ, hoc est, in vitæ, ac passionis Christi: vbi quicquid verbo docuerit Christus, opere expressit. Postremò, si optas vt vitæ tuæ iugis perpetuaq; sit oratio, mentemq; ad Deum semper habeas eleuatam, & ad hoc exercitium præsto sit, vbi deuotionem atq; feruorem tuum renoues; nusquam id assequi potes facilius, quàm Domini passionem meditando. Hic enim ex singulis verbis, actibus, moribus atq; pænis CHRISTI habes, unde compungaris mente, unde spiritu conforteris, in quorum contemplatione Christo nunc compatiaris, nunc gratias agendo dulciter afficiaris, nunc eidem conformari, nunc totus in illum desideres accendi & transformari. Itaq; nullum est exercitij spiritualis genus, quod in passione Domini aut non inueniri, aut non vberissimo fructu possit applicari.

Sunt præterea alia utilitates, fructusq; meditationis huius, quos prætereo: quando quidem incipientibus duntaxat, & his qui proprijs nondum sunt meditationibus assueti, modum aliquem præscribere stitui, quo aut voce, aut (quod suauis afficit) mente tantum legant, ruminentq; spiritum ex eis quæ hic scribimus, quibus afficiantur ad Christo iesu compatiendum, & ex eiusdem passionibus vitæq; salubriter exugant ea, quæ ipsorum vitæ moresq; in melius instruant. Vbi ne prolixitas fastidium generet, passionem Christi totam in viginti duas meditationes, velut capita ac iuxta litterarum alphabeti seriem parauimus sum: Deinde glorificationes eiusdem iesu Christi quinde-

quindecim illis subnexui. Quibus omnibus precationes quoque, singula adiuncta sunt, aspirationesque, ad Deum, ut quantum quisque, est deuotus, vel quantum ab alijs occupationibus feruor, queat cessare, atque ad orationem rediens, valeat ibi exercitium suum continuare.

## MEDITATIONVM SEV Alphabeti aurei, animæ cuiusque fi- delis, Deoque deuotæ ad Iesum Christum sponsum patientem, Liber vnus.

*Actio gratiarum pro Filij Dei incarnatione, pœnalitatumque generis humani assumptione.*

### CAPVT I.



**A**mantissime humani generis amator, Domine Iesu Christe, æterna dulcedo te amantium, iubilus excedens omne gaudium, & omne desiderium, salus & amator peccatorum hominum pœnitentium, qui delicias tuas testatus es esse cum filijs hominum, apud quos tamen cum scias esse nihil nisi fordes, nisi abominationes, nisi iniquitates & corruptiones, gratias tibi ago (utinam dignas possem) ex intimis affectuum atque medullis totius vniuersitatis cœlestium & terrestrium, præsertim per pijsissimam animam virginæ matris tuæ Mariæ, pro illa stupenda dignatione & ardentissimo amore, quo pro nobis perditis, auerlis & repulis iræ filijs reconciliandis homo factus es, miserabili nostræ, tum damnationi, tum desolationi compatiens, nulli meritis nostris, sed ineffabili misericordia tua permotus, de regalibus sedibus, de mellifluo corde Patris, in hanc miseriarum vallem descendisti, nostræ fragilitatis carnem assumendo, idque Spiritu sancto in castissimo utero intactæ virginis ex purissimo eius sanguine cooperante. In cuius etiam pudicissimis visceribus iam Deus & homo nouem es mensibus gestatus, ac tandem salua integritate, atque sine vilo dolore matris in hunc mundum pauper, passibilisque es natus, pannis inuolutus, super fœnum inter animalia in præsepio positus, maternis vberibus lactatus, legi subditus, ut peccator circumcisus, ut seruus redemptus, proprio sanguine tinctus, à pastoribus agnitus, à Magis stella ductus, adoratus, in templum oblatus, ab Herode persequente in exilium fugatus. Et cum triginta ferme annos sub matris obedientia latens, mundo fuisse incognitus, in Iordane es baptizatus, atque post longa ieiunia à dæmone in deserto tentatus.

Iesu dulcissime, hoc modo nostram es redemptionem exorsus, ita salutem nostram es operatus, his pœnis atque ærumnis tuam infantiam consecrasti, his calamitatibus vitam exposuisti, atque vsque ad consumptionem tui in laboribus & aduersitatibus, in vigilijs & lachrymis, in orationibus & prædicationibus, in fame & siti, in frigore & æstu, in itineribus & persecutionibus, in insidijs & iniurijs, in opprobrijs & derisionibus multis perpeffis, temetipsum pro nobis afflixisti. Hæc fuerunt, amarissime Iesu,

99 2 diuitiæ